

Izjava OHR-a na konferenciji za medije međunarodnih organizacija u Mostaru

Potvrđen kapacitet BiH sudova za suđenja za ratne zločine

Suđenje Bobanu Šimšiću u Odjelu za ratne zločine Suda BiH počelo je jutros, 14. septembra 2005., u 9 sati.

To je prvi slučaj suđenja za ratne zločine koje se vodi u Odjelu za ratne zločine BiH. OHR to pozdravlja kao sljedeći korak naprijed kojim se osigurava da se onima koji su u ovoj zemlji počinili ratne zločine sudi pravedno i po zakonu ovdje u Bosni i Hercegovini. OHR u potpunosti podržava Sud BiH kao jaku i neovisnu instituciju BiH.

Sposobnost da se ratnim zločincima sudi u sudovima BiH ključni je element za pomirenje. Puna suradnja s Međunarodnim sudom za ratne zločine također je jasna obaveza iz Daytonskog sporazuma. Gospodin Šimšić optužen je za ratne zločine počinjene protiv civilnog stanovništva u općini Višegrad 1992. godine. Sada je posao Suda da utvrdi njegovu krivicu ili nedužnost na temelju činjenica u tom slučaju.

Stvaranje sposobnosti za provođenje efikasnih suđenja za ratne zločine u samoj BiH predstavlja važan dio u procesu uspostave vladavine prava.

1. septembra Žalbeno vijeće Međunarodnog suda za ratne zločine počinjene na prostoru bivše Jugoslavije odbilo je žalbu Milovana Stankovića protiv njegovog izručenja na suđenje pred Sudom BiH. Prema Poslovniku Međunarodnog suda za ratne zločine Stanković će u Sud BiH biti prebačen u roku od 30 dana. Slučaj Stanković prvi je slučaj koji je prebačen iz Međunarodnog suda i predstavlja potvrdu da je Sud BiH u stanju osigurati najviše međunarodne standarde pravde u tim najsloženijim slučajevima

počinjenih zločina.